

DISPUTATIO THEOLOGICA
DE
METΑΣΧΗΜΑΤΙΣΜΩ
SATANAE IN ANGELVM
LV CIS

EX II. CORINTH. XI. 14.

QVAM
ANNVENTE

SVMMME REVERENDO THEOLO-
GORVM LIPSIENSIVM ORDINE,

SVE PRÆSIDIO

DOMINI

D. IOHANNIS SCHMIDII, P. P.

ALVMNORVM ELECTORAL. EPHORI,

COLLEGII B. M. V. SENIORIS ET

PRAEPOSITI,

PATRONI ATQVE PRAECEPTORIS

AETERNVM VENERANDI,

IN

AVDITORIO THEOLOGICO

PVBLICE DEFENDET

AVCTOR


M. FRIDERICVS ERNESTVS Scholze

OLSNA-SIL.

AD D. II. OCT. A. AE. C. 1715 CCV

LITERIS JOH. ANDR. Zschau.

58700(4)



PRAEFATIO.



*B*icennium ferme praeterlapsum, cum e Cathedra Philosophorum huius Academiae sub Praesidio Domini D. IO. SCHMIDII P. P. celeberrimi, Dissertatione quadam historica de usu Vestium albarum agerem. Dispescebam tum temporis laborem meum in duas sectiones, quarum prior sacrum, posterior autem profanum Vestium harum usum continebat. Cumque ostenderem album in Vestitu colorem non tantum in V. T. a Judaeis, verum etiam a paganis, imo & N. T. temporibus a Christianis, quin & ab ipsis Turcis in sacris faciundis usurpatum fuisse, atque etiamnum usurpari, eundem inter alia Vitae Integritatis, atque Innocentiae notam esse, hancque ob rationem tum ipsi Christo, tum sanctis Angelis in scriptura sacra tribui, dicebam. Et en! Lector beneuole, dum de specimine quodam Theologico in hac Alma nostra publice edendo cogito, nescio quo fato, suasu Praeceptorum atque Patronorum cum cura colendorum, albi siue lucidi coloris iterum quaedam mihi sit habenda ratio. Satanam nimirum Angeli Lucis figura indutum ex posterioris ad Corinthios Epistolae vndecimo capite considerandum habeo. Facio id eo lubentius, quo maiorem ipsa haec materia cum praesenti tempore habet conuenientiam; facio quoque eo lubentius, quo frequentius & hodie passim de Visionibus, etiamsi fictae sint & ab hominibus otiosis plerumq; excogitatae, gloriari solent, qui singularem prae aliis iactant sanctitatem. Hoc autem modo in hac Exercitatione mea procedam, ut primo breuem Dicti Explicationem praemittam, postea vero Porismata quaedam ex eo fluentia deducam. Adsisat mihi summus Foederis Angelus Christus Gratia sua benignissima, & meum intellectum ita illuminet, ut non nisi ea proferam, quae vergere possint in sui Nominis Gloriam, Ecclesiaeque emolumentum!



TEXTVS.

II. Cor. XI. 14.

Ἄυτὸς γάρ ὁ Σατανᾶς μετασχηματίζεται εἰς Ἄγγελον Φωτός.

SECTIO I.

Philologico-Exegetica.

§. I.



Elix itaque sub summi Numinis auspicio Laboris nostri initium facturi, varias variorum circa locum nostrum adducere animaduersiones nolumus, sed quo tempori chartaeque iam parcamus, ad solam genuini sensus inuestigationem sine ambagibus progrediemur.

§. II. Meliori vero modo eadem vix fieri poterit, quam si in hac Propositione logica: *Satanas transfigurat se in Angelum Lucis*, Subiectum pariter atque Praedicatum distincte consideremus, & ante oculos nostros ponamus.

§. III. *Satanas* est Subiectum de quo transfiguratio quaedam nostro in textu praedicatur. Vocem hebraeam esse, a Radice *שׂוּ* *aduersari, insidias struere* &c. descendentem, *Aduersariumque* denotare, satis superque notum est. Et licet *Suidas* (a) cum *Irenaeo* (b) & *Theodoreto* (c) Apostatam eadem significari putet, nec non *Justinus Martyr* (d) eandem ex *Sata*,
qua

qua voce Apostatam designari dicit, & *Nas*, quod Vocabulum τὸ ὄφι, quo Serpentem Hebraei appellant, substituit, componat; priorem tamen sententiam, ob maiorem cum sacris literis conuenientiam, his posterioribus non immerito censemus esse praeferendam. *Sacharias* enim Propheta(e) in visione quadam ad latus Sacerdotis summi Josuae Satanam apparentem describens, expresse: *Satanas*, inquit, *prope dextram eius stabat, quo ei aduersaretur.*

(a) *In Lexico T. II. col. 719.*

(b) *L. 5. c. 21. fol. 469.*

(c) *Qu. 45. in L. 2. Reg. p. 293.* vbi tamen etiam ἀντιζήμενον hac voce denotari asserit.

(d) *In Dialogo cum Tryphone p. 331.*

(e) *c. III. v. 1.*

§. IV. Nomine vero hoc in Sacris literis non modo aduersarium hominum infensissimum Diabolum, sed ipsos quoque homines Deo aliisque hominibus aduersantes venire, deprehendimus.

§. V. Ex hominum genere in V. T. erat, qui contra Regis Daudidis voluntatem Simei occisum volebat, *Abisai* (a) his ab eodem verbis reprehensus: *quid mihi vobiscum Filii Zeruia, cur mihi hodie vultis fieri Satanas?* Tempore N. T. autem erat qui ex incogitantia quadam Saluatori optimo resistebat, *Petrus Apostolus* (b) dura haec verba responsi loco ad suam de Christi ad Passionem itinere querelam ex inopinato percipere coactus: ὁ παγε ὀπίσω με σατανᾶ, σκάνδαλόν με ὅτι ἔφρονεῖς τὰ τῶ Θεῷ, ἀλλὰ τὰ τῶν ἀνθρώπων, *apage a me Satana, scandalum mihi es, quoniam non putas quae Dei sunt, sed quae sunt hominum.*

(a) *2. Sam. XIX. 22.*

(b) *Matth. XV. 23. Marc. VIII. 33.*

§. VI. Primario autem malis Daemonibus appellationem hancce in V. pariter atque N. T. libris multoties tribui videbis.

Ad loca in istis occurrentia quod attinet, alia omittentes ad Historiam solummodo Iobeam, Diabolum nobis non vna vice (a) sub Satanae nomine sistentem, prouocamus. In his vero tanta prostat eorum copia, vt illorum allegationem suscipere non necessarium esse iudicemus. Sufficit nunc, rationem non deesse, ob quam malignus hicce Spiritus sic nominatur. Σατα-
νᾶς προσηγέρεται, verbis Basilii M. (b) vtamur, διὰ τὸ ἀντιμῆδ^ς
τῷ ἀγαθῷ, i. e. *Satanas cognominatur, quod bono aduersetur.*
Certe Deo, boni omnis Auctori, & bonis Angelis, & omnium ho-
minum saluti quam maxime aduersatur. Vnde Petrus dicit, quod
circumeat nos veluti Leo rugiens & quaerat quem devorare possit;
(c) & Paulus ait, quod ἄγγελος σατᾶν colaphis ipsum afficiat (d)
vt alia loca huc spectantia taceamus.

(a) C. I. v. 6. 7. 8. 9. 12. C. II. v. 1. 2. 3. 4. 6. 7.

(b) In Orat. quod DEVS non sit Auctor mali p. 433.

(c) 1. Pet. V. 8.

(d) 2. Cor. XII. 7.

§. VII. Et posteriorem hanc significationem in dicto prae-
senti locum obtinere, extra controuersiam est, siue Paulus Princi-
pem malorum Angelorum, siue quemuis alium ex malis Angelis
hac voce denotauerit, cum etiam inferiores daemones Satanae
nomen obtineant (a). Praeponitur in textu authentico prono-
men demonstrativum αὐτός, quod ad verba immediate praece-
dentia nos remittit. Agit vero in istis Paulus de Pseudo-Aposto-
lis, falsis operariis, in Apostolos Christi sese transfigurantibus.
Ne quis de eorum Transfiguratione dubitet, superaddit & θαυμά-
σον, ne miremini, Pseudo-Apostolos se in Christi Apostolos trans-
formare, nam & ipse eorum Magister Satanus se in lucis Angelum
transfigurare solet.

(a) Matth. XI. 26. Marc. III. 23.

§. VIII. Circa Praedicatum quod Apostolus in sua Propo-
sitione sequentibus verbis exprimit: μεταχρηματίζεται εἰς ἄγγελον
Φωτός,

Φωτός, distincte perpendendum erit, partim quid per μεταχηματίζειν, partim quid per Ἀγγελον Φωτός intelligat.

§. IX. Μεταχηματίζειν idem est quod *transfigurare, transformare, alium habitum induere* &c. Per hoc verbum autem non mutatio quaedam φύσεως siue naturae ac substantialis, qualem multarum rerum Ovidius in elegantissimis Metamorphoseon Libris finxit: sed χήματς siue formae atque accidentalis a Paulo indicatur. Quemadmodum idem Apostolus quando de resurrectione & restitutione corporum nostrorum in altera Vita loquens verbo μεταχηματίζειν utitur, (a) non sane transubstantiationem, sed tantum transfigurationem quandam intelligit, ut ex alio eiusdem loco (b) manifeste constat; quicquid Sociniani (c) de aliis, non tantum qualitate, sed & substantia, corporibus, & Bernhardus Connorus Medicus Angelus (d) de Corporibus resuscitatorum passeribus vel muscis ratione quantitatis non absimilibus, contra garriant. Quod vero in praesenti quoque loco non transmutatio quaedam essentialis sed accidentalis innuatur, probamus (α) ex collatione, quam Apostolus inter Pseudo-Apostolorum ac ipsius Satanae mutationem instituit. Quemadmodum igitur Pseudo-Apostoli, de quibus Paulus in Versiculo, qui nostrum proxime antecedit & subsequitur, idem Verbum μεταχηματίζειν usurpat, non in substantiam verorum Christi Apostolorum se mutare, sed illorum saltem speciem simulare solebant. Ita nec Satanas in bonorum Angelorum essentiam transmutare, sed ipsorum tantum bonitatem ac benevolentiam erga homines mentiri amat. (β) Cum spiritus malus essentiam cum spiritibus bonis habeat communem, Satanae in Angelum Lucis mutatio mutationem essentialem neutiquam notare potest. (γ) Omnem potentiam excedit, essentiam suam in aliam transmutare. Quoniam enim impossibile prorsus est idem simul esse & non esse: impossibile quoque erit suamet essentiam in aliam plane diuersam commutare.

(a) Phil. III, 23.

(b) 1.

(b) 1. Cor. XV. 42. 43. 44. coll. 53. & 54.

(c) Vid. Scherzeri Coll. Anti - Socin. Disp. 148. p. 1194. seqq. edit primae & Galou. in Socinianism. profligato Sect. X. art. 11. Opp. Anti-Socin. Tom. 1. part. alt. p. 333.

(d) In Euangelio Medici Art. XIV. p. 112. Amstel. 1699. 8uo. ed.

§. X. Per Ἀγγέλων Φωτός, siue *Angelum Lucis*, nihil aliud quam *spiritum creatum bonum* intelligit Apostolus. Dico primo *spiritum creatum*. Quamuis enim nomen Ἀγγέλων non naturae, sed officii potius quoddam nomen sit, atque Legatum siue nuncium in genere vi etymologiae denotet, frequentissime tamen in sacro codice naturam omnis materiae expertem, quae Deum inter atque homines media est, & a supremo Numine ministri instar ad homines ablegatur, denotare solet. Vnde Ambrosius (a) de tali natura loquens, inquit: *quaeris huius Naturae nomen? spiritus est. Quaeris officium? Angelus. Ex eo quod est, est spiritus, ex eo quod agit, Angelus: quia Angelus graece, nuncius latine dicitur. Cui prorsus gemina habet Augustinus (b) dicens: Angelus officii nomen est, non naturae. Quaeris nomen huius naturae, spiritus est: quaeris officium Angelus est. Ex eo quod est, spiritus est: ex eo quod agit, Angelus. Dico secundo spiritum creatum bonum. De tali enim Apostolo sermonein esse, ex voce τὸ Φωτός vocabulo ἄγγελος adiecta satis manifeste patet. Cur autem Angeli boni lucis Angeli vocentur, porro dispiciendum erit.*

(a) Super Cap. I. Epist. ad Hebr. f. m. 426.

(b) In Ps. CIII. Opp. T. VIII. f. m. 1182. Add. eundem de Civ. DEI L. 15. c. 23. Opp. T. V. f. m. 849.

§. XI. In duas potissimum circa hanc bonorum Angelorum appellationem partes Commentatores abire videbis. Sunt, qui ab aliena, cuius adspectu constantissime fruuntur, luce, DEO scilicet, eam deducunt; sunt etiam, qui ob lucem propriam eosdem sic nominari malunt, DEVM lucem (a) imo Patrem Lu-

minum

minum (b) esse, nemo nescit, quemadmodum etiam ratio huius denominationis inpropatulo est. *Lux* enim propriissime sumitur pro qualitate illa omnium nobilissima, quae orbem illustrat, (c) & ab hac *DEVS* ob perfectissimam, quam habet, essentiam improprie *Lux* vocatur (d); quamvis summus Theologus *B. Dannbauerus* (e) *Lucem proprie & primo, minimeque figurate de DEO* dici iudicet. Cum itaque Angeli boni faciem Patris coelestis semper videant, (f) *Angelos Lucis*, h. e. Angelos *DEI* eos vocari, quidam volunt (g). Alii (h) vero per *Lucem* iisdem attributam sanctitatem, qua gaudent, omnium foedae labis tenebrarum expertem, ob quam etiam *Stellae matutinae*, (i) ὑπερστέφανια Φῶτα (k) *supra coelestia lumina*, δεύτερον Φῶς, τῷ πρώτῳ Φωτὸς (θεῷ) ἀπορροή τις ἢ μετασσία, τῇ πρὸς αὐτὸν νεύσει καὶ ὑπεργία τὸν Φωτισμὸν ἔχουσα (l) h. e. *secundum Lumen, primi illius Luminis, (DEI) defluxus quidam ac dependentia, cuius intuitu & ministerio splendorem obtinet*, nominari solent, intelligunt. Quam tamen sententiam vtramque optime secum stare posse iudicamus, cum bonus & sanctus Angelus Angelus *DEI* quoque sit dicendus.

(a) 1. *Job.* I. 5.

(b) *Jac.* I. 17.

(c) *Vid. Suidas in Lexico Tom. II. fol. 1083. & Suicerus in Thes. Eccles. Tom. II. col. 1479.*

(d) *Vid. Suicer. c. l. col. 1480.*

(e) *Hodos. Ph. 3. p. m. 190. & p. 246.*

(f) *Matth. XVIII. 10.*

(g) *Vid. Theophylact. Comm. in h. l. fol. 411. Edit. Lond. Chrysost. ad h. l. Homil. XXIV. Opp. Tom. V. fol. 719. Beza in h. l. fol. 540. Edit. Cantabrig. 1640. Piscator in Bibliis suis germanicis Bernae editis & in Comm. ad h. l. fol. 573. Cocceius ad h. l. Opp. Tom. IV. fol. 255. Schlichtingius ad h. l. fol. 173.*

(h) *Corn. a Lapide ad h. l. fol. 413. Frommondus ad h. l. Opp. P. 1. fol. 182. & alii.*

(i) *Job. XXXVIII. 7.*

(k) Ita vocantur a Dionysio Areopagita c. 2. de div. Nominibus.

(l) Greg. Nazianz. Orat. XL. p. 639.

§. XII. Ex ista autem bonorum Angelorum appellatione pro creatione Angelorum cum *Luce primigenia* leue admodum argumentum a Maresio (a) depromi potuisse, firmiter nobis persuademus, quamvis non inducamur ad id illatione, quam magni nominis Theologus e Maresii probatione elicit, urgens, si procederet argumentum, *Angelos* conditos cum *luce primigenia*, quoniam vocantur *Angeli Lucis* : secuturum esse, quod *Satanas* cum *primis tenebris* conditus sit, quia *Princeps tenebrarum* nominatur. Maresius enim de facili excipiet, istam illationem non procedere, partim, quod *Lux* quidem, neutiquam autem *tenebrae* a DEO conditae fuerint : partim quod *Satanas*, cum DEVS eum creavit, non *princeps tenebrarum*, sed *Angelus Lucis* quoque fuerit, ac per apostasiam a Numine supremo ex *Angelo Lucis* ipse se demum *principem tenebrarum* fecerit.

(a) In *Hydra Socinianismi expugnata* Tom. I. L. 2. c. 694.

§. XIII. Sub nomine *Angelorum Lucis*, per quos bonos Angelos ab Apostolo denotatos fuisse hactenus ostendimus, insignis olim ac immortalis famae Theologus B. *Balduinus*, pios homines quoque ac ipsum DEI Filium intelligit. Sic enim expresse scribit : (a) *Vbi hoc praemittimus, quod Angeli Lucis sint, vel spirituales illae naturae ad servitutem fidelium emissae, & in perpetua luce Patris coelestis habitantes : vel pii homines, quos scriptura filios Lucis appellat, (b) vel denique ipse DEI Filius, Angelus ille magni Consilii & Lux Mundi.*

(a) *Comm. in h. l. f. m. 718. sq.*

(b) *Luc. XVI. 8.*

§. XIV. Ast quo minus in laudati Theologi concedamus sententiam, non vna videtur suadere ratio. Urget nos primo, ne vnum ex vniuersa Scriptura sacra adduci posse locum, in quo sub *Angeli* nomine *Angelus* proprietatis & pius homo, *Angelus* creatus

&

¶ *Angelus Creator* insimul notetur. *Secundo*, cum per *Satanam* spiritus finitus malus tantum hic intelligatur, vero consentaneum videtur, per *Angelum Lucis*, qui eidem opponitur, spiritum finitum bonum tantummodo hic intellectum iri. *Tertio*, quia, si *pium hominem* per *Angelum Lucis* intelligere vellemus, inepta admodum analysis emergeret. Etenim Paulus in versu nostrum antecedente dicit, Pseudo-Apostolos transfigurare se in Apostolos Christi; ac dein in nostro versu pergit dicere, id non mirum esse, cum ipse Satanus transfigurer se in *Angelum Lucis*: iam si per *Angelum Lucis* intelligatur *pius homo*, necessario horum verborum iste sensus emergit: nolite mirari, quod Pseudo-Apostoli transfigurent se in Apostolos Christi, cum & Satanus in *pium hominem* se transfigurare soleat, quasi Christi Apostolus non item esset *pius homo*. *Quarto*, si hic etiam de *Christo* Paulus agere intendisset, tum dicturus fuisset: Satanus se transfigurat in *Angelum Lucis*, imo in ipsum *Christum*, sicuti ad Galatas scribit: (a) *ut Angelum DEI me suscepistis, imo ut ipsum Christum*.

(a) C. IV. v. 14.

§. XV. Neque ex eo, quod pii homines apud Euangelistam *Lucam* (a) appellantur *Filii Lucis*, cum B. Balduino colligere licet, pios homines quoque per *Angelos Lucis* significari. Quilibet enim de facili videt, a denominatione *filii Lucis* ad denominationem *Angeli Lucis* non valere consequentiam. Per *filios enim Lucis*, bene annotante Gerharo (b) *Lucas intelligit Christianos, qui per Spiritum sanctum & Baptisma DEO renati sunt in filios. Et hi titulum hunc non habent a natura, sed per Regenerationem, a DEO Patre, qui est Pater Luminum (c) & a Deo Filio, qui est Lux Mundi & illuminat omnem hominem venientem in hunc Mundum, (d) & a spiritu sancto, qui quoque est spiritus Lucis & non tenebrarum.* Angeli autem boni titulum *Angelorum Lucis* non per Regenerationem, sed a natura, vtpote in sanctitate & Iustitia a DEO conditi, habent; ac praeterea ita di-

cuntur, quod in perpetua *Luce* Patris coelestis habitant, vti supra (e) iam ostensum fuit.

(a) C. XV. v. 8. conf. Eph. V. 8.

(b) In Harmon. Euangel. c. 122. p. 1305.

(c) Jac. I. 17.

(d) Job. I. 9.

(e) S. XI.

§. XVI. Quamuis etiam satis constet, Filium DEI in scriptura sacra Angelum, modo cum appposito, v. g. *Angelum magni Consilii*, (a) *Angelum foederis* (b), modo sine appposito & simpliciter *Angelum* (c) nuncupari, quoniam per illum ceu nuncium quendam Pater coelestis locutus est ad Patriarchas V. T. (d) eundemque in plenitudine temporis misit in carnem (e); nec ignotum sit, Filium DEI *Lucis* nomine passim in scriptura sacra decorari, idque partim propter aeternam generationem, qua est Θεός ἐκ Θεοῦ Φῶς ἐκ Φωτός *DEVS de DEO & Lumen de Lumine* (f), & ἀπályσσμα Ἰῆς δόξης, seu *splendor Glorae DEI Patris* (g); partim propter varia quae edit effecta, διὰ τε τὸ πλάνης ἀπαλλάττειν, καὶ τὸ νοητὸν σκοτίζειν, & quia ab errore liberat, & quia discutit spirituales tenebras (h); non tamen inde sequitur, per *Angelum Lucis* ipsum quoque DEI Filium denotari. Nam ab attributione vocum quarundam separatim vsurpatarum ad attributionem earundem conjunctim sumtarum non valet consequentia. Quemadmodum Spiritus Sancti vocibus tertia Diuinitatis Persona tantum in sacro Codice aliisque scriptis innui solet, etsi duo illa Vocabula separatim sumta, primae & secundae personae alias quoque tribuantur. Insuper, si ex eo, quod Filius DEI *Angelus & Lux Mundi* in Sacris Literis dicitur, inferre licet, quod per *Angelum Lucis* ipse Filius DEI in nostro textu intelligatur, pari ratione licebit concludere, quod Apostolus Christi quoque per *Angelum Lucis* in eodem intelligi debeat, cum Apostolis Angelorum nomen optime competat, quandoquidem vtraque vox a mittendo dicitur; atque ipsis

Ecclesiae Ministris, v. g. Johanni Baptistae (i) Episcopis Ecclesiarum Ephesinae, Smyrnenfis, Pergamensis, Thyatirensis, Sardenfis, Philadelphiensis, Lacodicensis (k) in Scripturis expresse tribuatur : disertè etiam Apostoli apud *Matthaeum* (l) Φῶς τοῦ κόσμου, *Lux Mundi* nuncupentur, licet non eo sensu, quo Saluator, vera illa Lux (m) : hoc enim sensu ipse Johannes Baptista, maior omnibus natis ex mulieribus, *Lux* esse negatur (n) ; Sed quoniam sunt λύχνοι καίόμενοι καὶ φαίνοντες, *Lucernae ardentes & lucentes* (o) ; *Luminaria illuminata & illuminantia, a vera Luce illuminata & accensa*, vt *Luce Doctrinae coelestis illustrent*, ἐκ ἑθὺς ἐν, ἀλλὰ τὸν κόσμον, vt Theophylactus loquitur : (p) non vnā gentem, sed mundum ; & vt luce sua luceant coram hominibus, quo bona eorum opera videant ; (q) non posse tamen per *Angelum Lucis* Apostolum Christi hic loci intelligi, manifesto inde elucet, quod transfiguratio Pseudo-Apostolorum cum transfiguratione Satanae sic ex parte coincideret, quam vero ut diuersam illi opponit.

(a) *Esa. IX. 5. iuxta versionem LXX. Interpretum*, qui hebraeum יְהוֹשֻׁעַ Consiliarium, transtulerunt, μεγάλης βουλῆς ἄγγελος, magni consilii Angelus. Ad quam versionem procul dubio respexit B. *Balduinus*, cum in textu authentico V. ac N. T. nullibi alias Filius DEI ita vocetur.

(b) *Malach. III. 1.*

(c) *Gen. XVI. 7. XXII. 11. XXXII. 24. Os. XII. 3. &c.*

(d) Quod contra Papistas, Socinianos, Remonstrantes, Calvinianos quosdam ac Nouatores, qui negant τὸν λόγον vnquam in V. T. apparuisse, vbique Angelum creatum DEI vices gessisse, statuentes, prolixè demonstratum dedit B. *Calouius in system. Tom. IV. cap. 2. qu. 8. Add. B. Kipping. in Auctariis ad Histor. Eccl. D. Pappi Diatribe 3. §. 16. sq. p. m. 267. sqq.*

(e) *Gal. IV. 4.*

(f) *Juxta Symbolum Nicenum. Conf. Cyrillum Alexandrinum in Thesauro suo assert. 4. p. 21.*

(g) *Ebr. I. 3.*

(h) *Theophylact. in Job. XII. f. m. 748.*

- (i) *Malach. III. 1. Matth. XI. 10. Lut. VII. 27.*
- (k) *Apocal. II. 1. 8. 12. 18. III. 7. 14.*
- (l) *C. V. v. 14.*
- (m) *Joh. I. 9.*
- (n) *Joh. I. 8.*
- (o) *Joh. V. 35.*
- (p) *Ad Matth. V. 16. fol. 28.*
- (q) *Matth. IV. 16.*

§. XVII. Vltcrius iam dispiciendum, quomodo *accidentalis* ista Satanae in Angelum Lucis fiat transfiguratio.

§. XVIII. Fit autem eadem, non vera ac reali malitiae Sathanicae in bonitatem Angelicam commutatione, cum daemon ita in malo sit obduratus, vt nec ad breue tempus habitum malitiae suae prorsus exuere, & loco illius virtutis habitum induere possit, Vnde etiam κατ' ἐξοχήν in scriptura Sacra (a) ὁ πονηρὸς vocatur.

(a) *vid. Matth. XIII. v. 19. & 1. Joh. V. 18.*

§. XIX. Neque contingit eadem transfiguratio propriae boni Angeli formae assumptione. Etenim cum Angeli natura sua sint incorporei, nullam proprie dictam formam & figuram, vt-pote quae solis corporibus competit, habere queunt. Non defuerunt equidem omni tempore tum ex paganis, (a) tum ex Iudaeis veteribus, (b) tum ex Christianis, iisque partim priscis (c) partim recentioribus, heterodoxis (d) iuxta ac orthodoxis (e) qui Angelis corpora quaedam, licet λεπτὰ siue tenuia, adscripserunt: sed cum illa Sententia a Theologis nostris iam diu profligata fuerit, (f) non est, vt in illa refutanda iam desudemus.

(a) *Vid. Kippingium in Institut. Pneumat. L. 2. cap. 1. §. 5. p. 95. sq.* vbi ad antiquissimos Philosophos, Orpheum, Pythagoram, Platonem, Democritum, Jamblichum, Porphyrium, Plotinum, Apuleium prouocat, iisdemque Philoponum, Ammonium, Aphrodisaeum, Themistium, celebres Peripati interpretes accedere obseruat.

(b) *Vid. Grotium Annot. ad V. T. Ps. CIV. 4. & in Voto pro pace ecclesiastica, Add. Hackspanium Syllog. 8. p. 237. --- 240.*

(c) *Theo.*

(c) *Theognostus Alexandrinus in Biblioth. Photii Cod. CVI. fol. 280. Macarius Aegyptius Homil. IV. p. 47. Caesarius Dial. I. Interrogat. 48. Origenes L. 2. περὶ ἀρχαῶν c. 2. Tertullianus de Carne Christi c. 6. citante Suicero c. 1. Tom. I. f. 36. seqq. Addimus nos Augustinum de Genesi ad Litt. L. II. c. 17. Opp. Tom. III. f. m. 527. L. III. c. 10. fol. 532. L. XI. c. 13. f. 662. de Civ. DEI L. VIII. c. 15. f. m. 468. & Lactantium Divin. Instit. L. 2. c. 15. f. m. 53. Edit. Caesariensis.*

(d) *Vid. B. Calou. in system. Tom. IV. p. 35. vbi ex Reformatis Hieron. Zanchium, Rudolph. Goclenium, Gerh. Joh. Vossium, Ludovicum de Dieu, Bucanum; e Pontificiis Caietanum, cui nos adiungimus Caelium Rhodiginum Ant. Lect. L. 2. cap. 5. col. 59. sq. e Remonstrantibus Hugonem Grotium adducit.*

(e) *Vid. Kipping. c. 1. p. 96. sq.*

(f) *Vid. Gerhard. in Disp. Isagog. Disp. XI. c. 3. §. 1. seqq. Calov. Syst. T. IV. c. 1. qu. 1. & 19. alique.*

§. XX. Sed Transfigurationem istam fieri putamus, quando Satanas *vel* sub quodam Corpore, *vel* absque externa corporis figura semet Angelum Lucis mentitur.

§. XXI. Quando sub quodam Corpore semet Angelum Lucis simulat, tunc illud corpus *vel* de nouo format, formatumque sibi accidentaliter vnit; *vel* aliunde corpus quoddam assumit, eisdemque *παρεστώκως* adssistit.

§. XXII. Corpus quod de nouo sibi fabricat Dæmon, vt in illo appareat, atque Angelum Lucis sese simulet, non ex nihilo producit, quia solius DEI est, ex nihilo corpus aliquod formare: sed illud, iuxta communem eruditorum sententiam, aere crassiori compingit, celerrime ad determinatam aliquam speciem figurat, & colorem debitum per certam luminis cum opaco mixturam producit. (a)

(a) *Vid. D. Jo. Christianum Frommannum in Tractatu de Fascinatione Lib. 3. part. 6. cap. 6. §. 2. p. 782.*

§. XXIII. Hoc Corpus quoad externam formam non raro cum corpore lucido, in quo Angelos bonos plerumque apparere, nonnulli (a) asserunt, conuenire legimus.

(a) *Vid.*

(a) *Vid. Erasm. Schmidius Animadvers. in N. T. ad b. l. fol. 1136. Frommondus in c. X. Act. Apost. v. 30. fol. 631. b. & Georgii Ambianatis Trina Pauli Theologia Tom. II. fol. 434. b.*

§. XXIV. Sic Diabolus in forma *boni Angeli* apparuisse scribitur apud *Sulpitium Seuerum* (a) Anatolio cuidam adolescenti. „Hic sub monastica humilitate aliquandiu latens, „Angelos apud se loqui dicere solebat, & ad credendum hoc signis quibusdam plerosque hortabatur. Inter caetera signa, „erat vestis, qua se a Deo indutum dicebat, eamque a Claro & Sabatio aliisque fratribus adhibito lumine diligenter adspectam, „tactamque summa mollitie, candore eximio, micanti purpura, „nec tamen, cuius essent velleris, poterant agnoscere: nihil tamen aliud quam vestem esse, videbant omnes. Rem ad Martinum referre volebant: renuebat Adolescens, sibi id interdictum esse, indicans: sed cum inuitum ire compellerent, intertrahentium manus vestis euanuit.

(a) *In Vita B. Martini p. 516. Edit. Georg. Hornii Lugd. B. 1654. 8vo.*

§. XXV. Simili modo daemon boni Angeli specie, si *Cornelio a Lapide* (a) fides habenda, decipere conatus fuit *S. Abrahamum Eremitam*. Cum enim media nocte psalleret, Lux instar solis in cella eius refulsit, & vox audita est, dicens: *Beatus Abraham, nullusque tui similis, qui omnes voluntates meas explesti. Sed vir humilis agnoscens dolum diaboli, exclamauit: Obscuritas tua tecum sit in perditionem, o plene dolo atque fallacia! ego enim homo peccator sum: sed nomen Domini mei JESU CHRISTI, quem dilexi & diligo, mihi murus est, in quo te increpo, immunde canis. Et mox vt fumus ab oculis eius euanuit. Nec non Simonem Styliten, cui, narrante itidem Corn. a Lapide, (b) fulgens in splendore cum equis igneis & quasi currus igneus apparuit dicens: Dominus misit me Angelum suum, vt rapiam te sicut rapui Eliam. Ascende ergo mecum in currum & eamus in coelos, optant te videre sancti Angeli, Apostoli, Martyres & Prophetae cum Maria*

Maria Matre Domini. Cumque Simon, eleuans dextrum pedem vt ascenderet in currum faceret signum Crucis, mox Daemon disparuit. Quemadmodum etiam *Valentem Monachum* iam citatus autor (c) adeo ab isto creberrime sub Angeli specie apparente deceptum fuisse tradit, vt superbia intumuerit, quasi cum Angelis versaretur.

(a) *Comm. in b. l. fol 417.*

(b) *c. l.* (c) *c. l. f. 418.*

§. XXVI. Eodem procul dubio etiam vsus fuit integumento Satanas in seducendo Carolo Ludouici Regis Germaniae filio. Placet integram historiam, vt *Wolffius* (a) eam enarrat huc transcribere: „Quondam tempore Germanorum Rex Ludouicus (teste Eginaldi historia) conturbatus fuit acerbe a filiis suis, quorum tres fuerunt numero, Ludouicus iunior, Carolus, postmodum cognominatus crassus & factus Imperator, & Carolomannus, qui fuit Pater Arnulphi, postea facti Imperatoris. Nam Ludouicus & Carolus maximo odio flagrabant & inuidia aduersus fratrem suum Carolomannum, & pluribus in rebus erant inobedientes & prauas moliebantur machinas contra Patrem, eo quod ipsis videbatur, ipsum semper eis alterum praeferre, se autem exhaereditatum iri metuentes. Et aliquando die quadam, quando dictus Ludouicus Rex Germaniae fuit Francofurti cum suis duobus filiis, Ludouico & Carolo, Diabolus in forma Angeli cuiusdam apparuit dicto Carolo, & dixit ei, quod parens ei intentaret & pararet mortem, vt possit praeferre & euehere ad Regni fastigia fratrem eius Carolomannum; & de hoc facto DEVM valde irasci & offendi grauissime: constituisse enim DEVM dare Imperii potestatem Carolo. His verbis Carolus totus fuit attonitus, & ex pauore aufugit in templum loco illi proximum. At Diabolus eodem subsequitur eum, & dicit illi: cur timidus es tu & fugis? cogitas tu, quod si verba mea non essent ex DEO, in hoc ingressus essem templum?

„plum ? Igitur credas mihi, velim, & recipe sacramentum Domi-
 „ni ex manibus his (offerebat ei formam hostiae cuiusdam) meis.
 „Verum quid fit? continuo ingressus est in eum Diabolus, & ob-
 „sedit corpus ipsius, & incepit clamare, & boare horrendum Dia-
 „bolo vexante. Ex hoc igitur Pater eius & vniuersa Nobilitas
 „fuit maximopere perturbata & perterrefacta, & curauerunt can-
 „tare Missam, eo praesente: hac durante, interea ipse, praesertim
 „vero cum cantaretur Euangelium, clamauit horribiliter, alta vo-
 „ce confiteri coepit, hoc infortunium superuenisse ei eo, quod
 „conspirauerit contra Patrem suum. Post Missam Parens eius
 „Ludouicus emisit quaesitum Sacerdotes, Episcopos, Pastores re-
 „ligiosos & sanctos, & qui pietatis haberent nomen, vt orarent ad
 „DEVM pro filio suo, horumque etiam precibus fuit ab hoc tan-
 „dem malo liberatus.

(a) *Lection. memorabilium Centur. XVI. f. m. 308. Edit. secundae
 Francof. ad Moenum 1671.*

§. XXVII. Quod etiam Satanas in corpore non a se fabrica-
 to, sed aliunde assumpto multoties se *Angelum Lucis* simularit, quam-
 plurimis exemplis ex historia ecclesiastica pariter atque profana (a)
 luculenter demonstrari posset: sed missis iis, ex historia sacra vnum
 saltem, idque illustre admodum exemplum, ad quod plurimi in-
 terpretes (b) in explicatione loci nostri prouocant, imo ad quod
 ipse Paulus in conscribendo praesenti textu *B. Balduino* (c) respexis-
 se videtur, in medium adducamus. In ipso Paradiso nimirum
 artis huius veteratoriae primum specimen edidit Satanas, dum ser-
 pentis naturalis corpus sibi vniuit, atque, vt cum *Cocceio* (d) lo-
 quar, *primam matrem adiit tanquam legatus DEI, qui mentem
 DEI aperiret circa medium facillimum, velut comparatum ad maxi-
 mum eius bonum.* Vnde ex nostris Theologis *B. Dannhaue-
 rus* (e) in ea opinione est, quod ipsa Eua probarit Satanae ver-
 bum *persuasa* inter alia *opinionem diuinitatis illius*, qua prius,
 (scilicet Dei) *verbum correctum, reuocetur, ac per Angelum bo-*

num in serpente tanquam oraculo loquentem, reueletur. Qui tamen summus vir non adeo sibi constare videtur, quando alio in loco (f) expresse scribit: *Eua seducta est postquam a DEO defecit, sed prius decepta non fuit, non ignara spiritum subesse qui loqueretur, quamuis bonus esset an malus? non statim sciverit.*

(a) *Vid. Remigius in Daem. no'atria. Io. Wierus de Praestigiis Daemonum & incantationibus ac veneficiis, Del-Rio in Disquisitionibus Magicis, alique passim.*

(b) *Vid. B. Selneccerus ad h. l. fol. 928. B. Aegid. Hunnius ad h. l. fol. 260. B. Weinrichius ad h. l. p. 448. Bullingerus ad h. l. fol. 232. Aretius ad h. l. fol. 357. Edit. Genev. 1618. Cocceius ad h. l. Oper. Tom. IV. fol. 255.*

(c) *Vid. B. Balduinus ad h. l. fol. 713.*

(d) *c. l.*

(e) *In Hodof. ph. IV. p. m. 340.*

(f) *c. l. ph. V. p. m. 432.*

§. XXVIII. Nos in medio relinquimus, vtrum Eua persuasa fuerit per serpentem Angelum Lucis secum loqui: nobis tamen cum B. Scherzero (a) firmiter persuademus, ex eo Satanam, quod in seducenda Eua serpente ceu instrumento quodam usus fuerit, in Scriptura Sacra modo serpentem simpliciter, (b) modo, propter varias *metodias*, oblongum ac tortuosum serpentem (c) modo serpentem antiquum (d) nominari.

(a) *In System Theol. Loc. VII. §. IV. p. m. 142.*

(b) *2. Cor. XI. 3.*

(c) *Es. XXVII. 1.*

(d) *Apoc. XII. 9. XX. 2.*

§. XXIX. Videamus tandem quomodo Satanas absque omni corporis specie se pro Angelo Lucis gerat. Facere hoc videtur, quando *inuisibili* quodam modo Phantasiae hominum illudit, ac optima quaeque eidem suggerit, quo per ea ad pessima seducat. Non diuidiae erit quaedam ex *Gersonii libello de diuer-*

sis diaboli tentationibus (a) ad hanc rem illustrandam in medium afferre, quae licet non styli elegantia ac puritate, rei tamen veritate se satis commendant. „Hortatur nonnunquam hostis aggregandi alta quaedam & difficilia virtutum opera, sicut immoderata „ieiunia, peregrinationes maximas, vel simile quodcunque, siue vt „homo succumbat oneri, neque vlllo pacto ipsum ferre valeat, siue „vt ex ipso sequatur deterius aliud, pura ex immoderatione ieiunii „cerebri vacuitas, melancholia, tristitia &c. ---- Nonnunquam „ingentem mirabilemque dulcedinem in modum & similitudinem deuotionis inducit, vt in huiusmodi suauitate hominis tota „conquiescat fruitio, neque DEVM amare, neque ob aliud sibi „obsequi velit, nisi solum vt hoc potiatur. ----- Nonnunquam „admonet, vt quis hominum in conspectu sese vituperet, vel „etiam delicta quaedam committat & perpetret, vt se indicet, nec „fictum esse, nec hypocritam. Quod profecto in grande malum ab hoste suggeritur. Nam quæ huiusmodi quae hic aduersus „suam gloriam dicere agereque videtur, aliquando in eum maior „irrepat superbia, vult quippe hoc pacto verax haberi & reputari „is, qui suam laudem minime quaerat, quam tamen suo in animo flagrantissime cupit. Ita autem esse, agnosci comperique „potest, cum ea ipsa, quae is de se indigna dicit, alius quoque asserit & testatur. Nam id & moleste fert, & sese tunc excusat & „commendat. ----- Nonnunquam sub praetextu subueniendi „pauperibus, aut instituendi ecclesias, aut in vltimis annis securitatem habendi, agit hostis, vt quis in auaritiam labatur, vel fraudulentae negotiationi intendat, vel emendo vendendoque committat periuria. ---- Nonnunquam sub praetextu fugiendae „singularitatis & obseruandi mores aliorum vel alicuius similis „boni suadet hostis, vt quis plus vescatur aut bibat quam sibi conueniens est. Et pariformiter est de vestitu & huiusmodi rebus. „ ---- Nonnunquam sub velamento sanctitatis & deuotionis in per-

„personas religiosas spiritualis amicitiae agit hostis, vt ex consuetu-
 „dine intuendi, loquendi, epulandi, simul ridendi, mutuo sese io-
 „cose tangendi, vertatur spiritualis amor in libidinosum carnalem-
 „que amorem, & demum in finem ignominiosissimum. -----
 „Nonnunquam in bono opere grandem acediam & tristitiam
 „permagnam immittit, suadens, tunc in delectatione seculi con-
 „solationem quaerendam. Ex quo duo mala eueniunt: partim
 „quod quis quam facillime in stultiloquia & peccata incidat; par-
 „tim quod illius acedia hoc pacto non sanetur, sed magis magis-
 „que nutriatur accrescat, & licet ad tempus ab ea liberetur, ta-
 „men postmodum redeat longe validior. ---- Nonnunquam
 „sub humilitatis specie & sese custodiendi, facit, vt quis sileat ex
 „contemptu, iracundia, superbia, vel cum loqui deberet, ex vecordi
 „pusillanimique metu reticeat. ---- Nonnunquam agit hostis,
 „vt sancta intentione quis loqui incipiens, continuando sermo-
 „nem ad plura defluat inordinate dicendo, quod euenit, vel
 „quia is loquendo commouetur irasciturque, vel quia suam glo-
 „riam quaerit, vel quia erubescit & verecundatur nisi audientibus
 „admirationem ingerat, subtile aliquod, extraneum, nouum, in-
 „auditum dicendo.

(a) *Opp. Paris. 1606. in fol. edit. Tom. III. col. 415. seqq.*

SECTIO II.

PORISMATICA.

PORISMA I.

Dantur Angeli.

PEr *Angelos* secundum superius dicta (a) intelligimus natu-
 ras omnis materiae expertes, quae DEVM inter atque ho-
 mines mediae sunt, & ad complendum aliquod totum per se

non ordinantur. Has quidem tantum abest vt ex Lumine naturae apodictice demonstrare conemur, vt potius eosdem qui hoc facere nituntur, quorum non paucos tum e Pontificiis (b), tum e Reformatis (c), tum etiam ex ipsis nostratibus (d) scimus, incassum laborare censeamus (e). Scripturam sacram vero si ad ea-
mus, haut pauca existentiam Angelorum probantia loca reperi-
mus. Insignis prae ceteris est praesens, quem modo exposuimus, Paulinus, in quo expresse Apostolus τῶ ἀγγέλων mentionem iniicit. Addimus vero illi adhuc alium *Davidis* scribentis: (f) *qui facit Angelos suos Spiritus, & ministros suos ignem flammarum*; vbi partim causam Angelorum efficientem, Iehouam, partim etiam eorum naturam excellentem, secundum quam sunt ventorum instar celeres, instarque flammae ignis summa subtilitate, actiui-
tate, claritate, puritate, sanctitate, &c. praediti, indigitat. Et quid clarius esse posset ipsius nostri *Apostoli* verbis alibi (g) allatis: *nonne omnes sunt administratorii spiritus, qui in ministerium e-*
mittuntur propter eos, qui haeredes erunt salutis? Vt longe plu-
rimas Angelorum apparitiones de eorum Existentia satis super-
que testantes, quarum inferius (h) habenda nobis erit ratio, nunc taceamus. Non defuere tamen, quod sane mireris, qui Angelos existere sibi persuadere non potuerunt, vel potius non voluerunt. Fuerunt isti *Sadducaei* (i) Angelos dari negantes, a quibus tamen non simpliciter Angelorum existentiam, sed illorum saltim durationem negatam fuisse, contra communem Theologo-
rum nostratium sententiam *B. Kippingius* (k) iudicat; nonnulli hodiernorum *Judaeorum* (l) qui putant Angelos esse tantum qua-
litates a DEO productas in eius imaginatione, penes quem se-
creta aliqua enunciare velit; *Manichaei* (m) pro motibus laetis aut tristibus eos habentes; *Dositheus* (n) nullum aliud Daemo-
num genus quam idola seu simulacra agnoscens; *Anabaptistae* (o) peculiares creaturas esse quae Angeli vocentur inficientes, quos

quos tamen ab hoc errore supra citatus *B. Kippingius* (p) iterum liberare conatur; *Libertini* (q) eandem cum Anabaptistis opinionem fouentes; *Quakeri* nonnulli (r) existentiam Angelorum itidem in dubium vocantes; *David Georgius* (s) qui Angelos cum mentis humanae cogitationibus & inspirationibus vel bonis vel malis confundit; *Hobbesius* (t) bonos Angelos spiritus permanentes esse inficiens, malos vero existere negans; & *Hermannus Ryswiche Batavus* (u); quamvis hic non tam ipsam Angelorum existentiam, quam quod ipsi a DEO conditi sint, negarit. Potissimum quo nituntur argumentum in eo consistit, quod Moses historiam Creationis tradens omnesque creaturas describens, ne verbo quidem Angelorum mentionem faciat, (x) quod tamen, si a Deo quidem creati fuissent, fecisse putant. Respondemus vero (1.) Moses non inuisibilium, sed visibilium tantum Creaturarum in loco citato mentionem facere voluisse; (2.) alibi in scriptura sacra Creationem eorum satis luculenter descriptam haberi. En! Pauli verba clarissima; (y) *Per eum (CHRISTVM) omnia creata sunt quae in coelo & quae in terra sunt, visibilia & inuisibilia, Throni, & Dominationes, & Principatus & Magistratus, omnia per eum & in eo creata sunt.*

(a) *Sect. 1. §. X.*

(b) *Suarez Disp. Metaph. 35. Sect. 1. Vasquez Disp. 178. c. 1. Bannez part. 1. qu. 50. a. 1. Marsilius in 2. q. 2. a. 1. concl. 1. Philippus a S. Trinitate part. 3. Summae Phil. q. 21. de Angel. art. 1.*

(c) *Vossius Theol. Gentil. L. 1. c. 6. p. m. 41. sqq. Zanchius L. 2. de oper. Creat. c. 2. cit. Voët. Disp. select. part. V. problem. de Angel. part. I. p. m. 242.*

(d) *B. Scharffius Pneum. L. 3. c. 2. p. m. 155. B. Scheiblerus Metaph. L. 2. c. 4. tit. 1. art. 2. p. m. 133. B. Jac. Martin. Exerc. Met. L. 2. Ex. 3. theor. 1. p. m. 537. B. Corn. Martini Comp. Theol. f. m. 161. Meierus in Pneum. part. spec. L. 2. c. 2. p. m. 615. M. Henric. Nicolai in Michaël. f. 3. M. I. Witte Disp. Witeb. hab. A. 1666. §. 2.*

(e) *Vid. Disp. Dn. Praesidis de Angelis ex Principiis Philosophicis non de*

demonstrabilibus Sect. II. hab. pro Loco prima vice A. 1672.

- (f) *Pf. CIV. 4.*
- g) *Hebr. I. 14.*
- (h) *Porismate III.*
- (i) *Act. XXIII. 8.*
- (k) *Pneum. L. 2. c. 1. §. 8. sq. p. m. 101. seq. Ad cuius sentent. è Reformatis Burmannus in Synops. Theol. l. 1. c. 45. §. 9. p. 352. edit. Geneuensis A. 1678. accedit.*
- (l) *Vid. Beza in Notis ad Act. Apost. p. m. 555.*
- (m) *Vid. B. Schertz. Syst. Loc. IV. §. IV. in Error. p. m. 96.*
- (n) *Vid. Magnif. Dn. D. Ittigius Patronus atque Praeceptor noster aeternum colendus de Haeres. Sect. 1. c. 1. p. 22.*
- (o) *Vid. Chemnitius LL. CC. P. I. p. 322. Conf. B. Strauch. Breu. Theol. L. 5. Defin. 41. p. m. 109.*
- (p) *c. l. p. 102.*
- (q) *Calvinus contra Libertinos c. 11. & 12. & Hoornbeek. Summ. Controuers. p. 417.*
- (r) *Calou. Tom. IV. Syst. p. m. 18.*
- (s) *Vid. Burm. l. c. p. 352.*
- (t) *Vid. Leuiathan c. 34. 38. 44.*
- (u) *Vid. B. Calou. l. c. p. 18.*
- (x) *Gen. I. seqq.*
- (y) *Col. I. 16.*

PORISMA II.

Angelorum alii boni sunt, alii mali.

A Ngelos in duplici considerandos habemus statu, *partim* in statu originali, *partim* in statu originale subsecuto. In isto, nempe originali, omnes aequales agnoscimus, sanctos, bonos, iustos a DEO creatos: *vidit enim DEVS omnia quae fecerat, & ecce erant omnia valde bona; (a)* & cum Deus sit ens optimum, non nisi bonum ab illo proficisci potest. In statu vero originale subsecuto, in bonos atque malos dispescuntur. Et horum & illo-

& illorum satis luculentam mentionem Paulus in nostro Textu iniicit. De *Satana* enim dum loquitur, Angelos malos dari simul indigitat; quemadmodum e contrario *Angelum lucis* nominans, bonos Angelos simul describit. Dicuntur vero *BONI ANGELI* non tantum propter bonitatem concreatam, sed etiam, & quidem primario, quoniam in bonitate ista perstiterunt, atq; in ea a summo Numine, non quidem per absolutū aliquod decretum, prout nonnullis *Reformatorum* (b) videtur, neque interueniente quodam merito, siue proprio, vti *Pontificii quidam* (c) asserunt; siue alieno, nimirum *CHRISTI* Redemptoris nostri, ceu *Pontificii plurimi* (d) imo & *Reformati nonnulli* (e) atque *Sociniani quidam* (f) sibi persuadent, sed ex sola & mera gratia adeo confirmati, vt ea excidere nunquam possint. *Semper enim* (δὲ πάντοτε; vident faciē Patris coelestis (g), *semper faciunt voluntatem eius*; (b) qua propter etiam *Paulus falsam Praedicationem iisdem per hypothēsin impossibilem tribuit*. (i) Quod opponimus iis, qui Angelos bonos labi posse statuunt. Quos inter est *Origenes*, (k) qui virtutes de sublimioribus subinde corruere opinatus est; *Grotius*, (l) qui id pro ἀδωράτω non habet, vt boni Angeli fallant & aliud Euangelium annuncient, alique *Arminiani*, (m) qui licet confirmationem bonorum Angelorum non diserte negent, difficulter tamen e scriptura sacra eam probari posse, docent. Obiiciunt equidem: quicquid est praemium illud est reii- cibile. Atqui Indefectibilitas seu Confirmatio Angelorum est praemium. Ergo. Sed respondeo partim indirecte per instan- tiam: Atqui vita aeterna quoque est praemium. Anne vero illa est reii- cibilis? Partim directe limitando maiorem: Quicquid est praemium a Deo ad tempus saltem aliquod concessum, illud est reii- cibile. Sic concessa maiore nego minorem. Deus enim praemium confirmationis Angelis eo fine concessit, vt in aeternū illo fruerentur.

MALI ANGELI vero dicuntur, qui non seruauerunt; sed (sponte) dereliquerunt Domicilium suum, (n) vnde etiam ἀμαρτῆ-
σάυτες (o) atque qui in veritate, i. e. in vera sanctitate & sapien-
tia non steterunt, (p) vocantur. Hinc videre est, quantum erro-
rem foueant, qui Angelos malos in gratia non creatos esse, adeo-
que ea non excidisse autumant. Fecerunt hoc iam olim *Mani-
chaei* (q) atque *Scholastici* quidam, (r) qui Angelos malos ab initio
suae existentiae malos semper fuisse statuerunt. Faciunt & *Ju-
daei moderni*, qui fingunt Diabolos ortum habere per generati-
onem ex Adamo & לִילִית vxore eius priore, quā matrem daemo-
num & spirituum malignorum vocant. (s) Quemadmodum &
illi *Reformatorum* non plane excusari possunt, qui Daemones ex
absoluto Dei decreto peccasse asserunt. (t) Patrocinari quidem iis-
dem primo videntur verba Saluatoris, quibus Diabolum ab initio
peccasse dicit (u); quemadmodum etiam ad illum locum scripturae
prouocare solent, in quibus de Angelis siue nunciis Dei dicitur,
quod in illis Deus stultitiam reperiatur. (x) Respondemus vero quoad
priorem locum cum *Maxime Reuerendo atque excellentis. Dn. L.
Günthero, Patrono, Praeceptore, hospite, imo in Christo Patre aeter-
num venerando*, (y) Saluatori optimo in eo nō de initio Creationis,
sed de initio tantūmodo ordinis sermonem esse, quasi dicat, Satanā
esse omniū peccatorum primum; in posteriori vero stultitiā idem
significare ac non tantam sapientiam sensumque esse, DEVM non
tantam sapientiam, quantam quidem ipse possideat, in nunciis
inuenire. (z)

(a) *Gen. I. 31.*

(b) *Vt Bucanus, Pareus, Rauanellus, citati a B. Calouio l. c. p. 71.*
Quibus adiungas *Piscatorem*, qui im ausführlichen Bericht von
den Haupt-Stücken Christlicher Lehre p. 18. scribit: Es ist
gewiß / daß Gott von Ewigkeit beschlossen hat / etliche En-
gel und etliche Menschen selig zumachen / etliche aber zu-
verdammnen.

(c) *Vid.*

- (c) *Vid. Scotum in III. Distinct. 5. qu. 2. Thom. P. I. qu. 62. art. 4.*
- (d) Thomas, Scotus, Bonaventura, Durandus, Bellarminus, Suarez, Becanus, Gamachaeus, citt. a B. Scherzero *Syst. Loc. XVIII. §. X. in Erroribus p. m 502. Quibus addimus Philippum Diez Tom. II. Concion. p. 201. Gregorium de Valentia Lib. de Christo Tom. II. p. 164. Blasium de Viega in cap. I. Apocal. p. 24.*
- (e) Polanus, Bucanus, Becmannus, citante modo laudato Scherzero d. 1. Adde Lud. Capellum in *Synt. Salmur. Disp. P. II. p. 190. Wendel. L. I. c. 3. T. C. th. 5. p. 26.*
- (f) *Vid. Eniedinus p. 350. & p. 352.*
- (g) *Matth. XVIII. 10.*
- (h) *Matth. VI. 10.*
- (i) *Gal. I. 8.*
- (k) *Homil. XIII. in Lucam. Sic & Ludouicus Vives in Augustin. de C. D. L. 21. c. 17. p. 989. tradit, Origenem ex sanctis Angelis procedente tempore diabolos fecisse.*
- (l) *Ad Gal. I. 8.*
- (m) *Arminius Responson ad Artic. XXXI. Opp. f. 130. Arminianorum Apologia c. 6. p. 147. & Episcopus L. 4. Institut. Sect. 3. c. 2. fol. 349.*
- (n) *Jud. v. 6.*
- (o) *2. Pet. II. 4.*
- (p) *Job. VIII. 44.*
- (q) *Vid. Concil. Braccariens. Canon. VII apud B. Cromayer. Theol. pos. art. 4. th. 15. p. 229. Euseb. H. E. Lib. VII. c. 27. Augustin. L. X. de Civ. DEI. C. XI. & de Haeres. c. 46.*
- (r) *Vid. Scotus in 2. distinct. 1. qu. I. Alexander Alesius in Summ. part. 2. quacst. 19. Becanus c. 2 qu. 2. alii que.*
- (s) *Vid. Menasse Ben Israël de Creatione apud Centuriatores, Centur. IV. c. 4 Conf. Buxtorff. in Synag. Jud. c. 4. p. 81. & 85. & Hoornbeek de conuincendis Judaeis p. 304.*
- (t) *Vid. Wendelin. Collat. Doctr. p. 109. & Salmurienses Syntagm. P. II. p. 125. citatos a B. Strauch. Brev. Theol. defin. 44. p. 119.*
- (u) *Job. VIII. 44.*
- (x) *Job. IV. 18.*
- (y) *In Praelectionibus Theologicis, Thetico-Polemicis MSC. Th. X. de Angelis.*

PORISMA III.

Dantur Angelorum apparitiones.

Angelos incorporeos esse, superius (a) a nobis prolixè demonstratum est. Quandoque tamen eosdem in assumpt. specie corporea hominibus apparere posse, haud vana fide apud Christianos receptum est. Tamen cum *Ludou. Lauatero* (b) fateri cogamur, quod non modo homines, qui vel natura, vel propter acceptas ingentes calamitates tristes sunt & Melancholici, (c) vel amentes, (d) vel qui vsum rationis penitus amiserunt, (e) vel meticulosi, (f) vel imbecilli visu & auditu praediti (g) sibi ipsis res mirandas imaginantur, & interdum sanctè affirmant, se haec vel illa audire & videre, quae tamen neq; ipsi neq; alii vel vident, vel audiunt; sed quod callidi etiam ac malitiosi homines, quos ambitio, auaritia, inuidia, odium, pertinacia, otium & amor transuersos abripiunt, (b) aliis terrorem saepissime iniicere conentur; quod multa quoque ex naturalium causarum nexu oriuntur, quae minus sagaces, lenti, albisque, quod aiunt, praecordiis praediti, sine fontica causa altioribus causis, adeoque ipsis spiritibus deputent; (i) non tamen omnia, quae hominibus apparent, esse res naturales aut vana terriculamenta, sed quaedam spiritibus certo quodam corpore assumpto apparentibus tribuenda, firmissime nobis persuasum habemus. Testatur id Paulus nostro in Textu, vbi de transfiguratione Satanae in speciem qua boni Angeli alias comparere solent, loquitur. Testantur tot apparitionum exempla in ipsa etiam scriptura sacra nobis obuia (k); testantur ipsi Saluatoris discipuli Magistrum sibi apparentem pro spiritu apparente habentes, nunquam ideo ab eodem reprehensi (l); testantur Christianorum plurimorum, veterum (m) pariter, atque recent-

centiorum, (*n*) quin & ipsorum paganorum (*o*) assensus. Nihilominus tamen nonnulli eas negare non erubescunt. Non Democritum, Auerroen, atque Epicureorum scholam (*p*) audire necessum habemus: adsunt enim recentiores, qui eandem cum iisdem fouent sententiam. Vnum instar omnium, satis notum, Theologum Amstelodamensem *D. Balthasarem Bekkerum* nominasse sufficiat, quem non vna vice hoc fecisse legimus. Fundamentum hypotheseos eiusdem istud est, quod spiritum in corpus agere posse neget, idque, vt duo saltim eiusdem argumenta adducamus, *partim* ex ea ratione, quod daemon spiritus tam impotens sit, vt ordinem naturae inuisibilis perturbare nequeat; (*q*) *partim* etiam, quoniam, si hoc faceret, a veritate aberrare videantur Saluatoris verba spiritibus carnem & ossa expresse denegantia. (*r*) *Sed respondeo*, quoad prius, naturae ordinem neququam turbari, si vel maximeres aliqua natura sua inuisibilis in specie aliqua visibili se repraesentet; ni velimus dicere, λόγον quoque ordinem naturae inuisibilis turbasse, dum ipse tempore V. T. in corpore aliquo assumpto sese hominibus conspiciendum praebuit. *Bekkerus* equidem diabolo peritiam qua istud efficere possit, denegare nititur; (*s*) sed daemones per lapsum dona saltem gratiae amisisse non simul dona naturalia, qualia sunt, scientia rerum naturalium, potentia res stupendas efficiendi &c. communis nostratum Theologorum est sententia. (*t*) Jam vero cum daemones insigni, longeque maiori rerum physicarum notitia quam quidem homines praeditos esse sciamus; (*u*) cur quaeso negaremus, eosdem corpus quoddam, siue *phantasticum*, quale fuit larua Samuelis demortui a Pythonissa vi artis magicae producta, (*x*) siue *verum*, quale est v. g. serpentis in Africa, quod daemon subire, & in eodem varias actiones edere traditur, (*y*) assumere posse? *Ad posterius* vero, quod hac ratione falsitatis Christi verba forent accusanda, respondeo, aliud esse, carnem & ossa habere,

aliud ea assumere posse, illud saltem, non hoc a Salvatore negari, eius verba clarissime ostendere.

- (a) *Sect. I. §. XIX.*
- (b) *In Libro de spectris, Lemuribus & magnis atque insolitis fragoribus. Geneu. 1575. 8uo. ed.*
- (c) *Part. I. c. 2. p. 10. sqq.*
- (d) *c. l. p. 13. sqq.*
- (e) *p. 15. sqq.*
- (f) *c. 3. p. 16. seqq.*
- (g) *c. 4. p. 20. sqq.*
- (h) *c. 5. sqq. p. 26. sqq.* (i) *c. 11. p. 60. sqq.*
- (k) Ex his eminet apparitio Abrahamo facta, vbi filius D E I cum duobus Angelis in forma trium virorum ei apparuit *Gen. XVIII. 2.* atque ea, qua Lothus gauisus fuit, dum duo Angeli ex incendio Sodomitico eum eduxerunt. *Gen. XIX. 1. sqq.*
- (l) *Matth. XIV. 26. Luc. XXIV. 39.*
- (m) *Lauater. c. l. c. III. p. 76. sqq.*
- (n) *Idem c. l. c. 15. p. 82. sqq.*
- (o) *Idem c. 12. p. 65. sqq.*
- (p) *Vid. Remigium L. 1. de daemonolatr. c. 28.*
- (q) *In der bezauberten Welt L. 4. c. 2. § 12. p. m. 15. coll. L. 2. c. 34 §. 17. p. m. 249.*
- (r) *l. c. L. 2. c. 32. §. 4. p. m. 228.*
- (s) *c. l. L. 2. c. 33. §. 1. sqq. p. 235.*
- (t) *Vid. Frommannus c. l. L. 3. part. 6. c. 14. p. 832.*
- (u) *Vid. Wierus c. l. L. 1. c. 8. col. 47.*
- (x) *2. Sam. XXVIII.*
- (y) *Fromman. c. l. L. 1. part. 2. sect. 2. c. 5. §. 1. p. 164.*

PORISMA IV.

*Angeli mali sunt DEI hominumque
adversarii.*

HOc vel ex vnico nomine *Satanae* siue *Aduersarii*, quod in nostro textu Apostolus maligno spiritui tribuit, fatis superque

perque patescit. Probant veroid adhuc aliae longe plurimae eiusdem denominationes. Vocatur *Diabolus* (a) a διαβάλλω, *calumnior, falso traicio culpam in alium*, quia, secundum *Chrysostomum*, (b) *partim* DEVM incusat apud homines, quando videlicet diuinae misericordiae insidias struit, & ad desperationem homines sollicitat: *partim*, quia homines incusat apud DEVM, quando peccata, in quae eos praecipitauit, coram diuino iudicio exaggerat; *partim*, quoniam homines calumniatur inter se inuicem, quando vnus, scilicet eius, qui calumnias profert, linguam, & alterius, qui calumniis delectatur, aures occupat, atque hac ratione alicuius tertiae personae famam insuper laedit. Vocatur *Abaddon* (c) i. e. qui omnia perdit; vocatur πονηρός (d) seu malus ille κατ' ἐξοχὴν, qui omne bonum DEI pariter atque hominum interuertere conatur. Inimicitia autem inter Satanam atque summum Numen statim ab illius lapsu originem duxit, qui ab eo tempore sanctissimae Dei voluntati omnibus viribus sese opposuit & adhuc opponit. Inprimis autem hostilem suum animum erga Filium DEI incarnatum exseruit, dum non modo eundem ad varia vitia allicere studuit, (e) sed vt ipse quoque diris cruciatibus, ac tandem morti truculentae traderetur, ex voto suo perfecit. (f) Quod iam in Paradiso DEVS illustri vaticinio indicauit, asserens: (g) *inimicitiam ponam inter te, (serpentem) & mulierem, & inter semen tuum & inter semen eius; hoc conculcabit tibi caput; tu autem laedes illud calcaneum*. Humani quoque generis est hostis Satanas: & hostis quidem antiquissimus, ἀνθρῶπον ὀνείων ἀπ' ἀρχῆς, homicida ab initio, (h) primus mortis conciliator atque Dominus; (i) *hostis iniquissimus*, id quod inter alia obsessiones tum spirituales, cuius generis fuit Iudae Ischariotis, (k) tum corporales, quales non paucas historia Euangelica exhibet, (l) ostendunt; *hostis potentissimus*, qui in throno suo sedens (m) quam obsidet arcem, i. e. animam ordinis

nis ac solatii vacuam (n) fortiter defendit; (o) *hostis virulentissimus*, plusquam Amalek (p) qui hominum inuidia ac odio ἀσπρόνδω inflammatus, saeuire non cessat, & quo metae furoris sui propior, hoc ardentius fuit; (q) *hostis vaserrimus*, ingenii panurgici profunditate, (r) μεθοδίας subtilitate, (s) qua castrum cordis humani circumambulat, scrutatur arcana, indolem, temperiem, occasiones ac circumstantias attendit, ponit pennas vt cogat in retia, iacit poma ἐρίδω, spargit nuces, insensibili motu facinus admittit, ex ipso demum effectū deprehensum, coloribus peccata pingit, instillat ac intendit prauas cupiditates, ipsaque amara edulcorat. Prouidentiam DEI in dubium vocat, suam in rebus humanis agendis vim iactando. (t) Ab vno extremo in alterum praecipitat, Salomonem secundis, aduersis Jobum sollicitat; e paupertate diffidentiam, e fiducia praefidentiam; e lenociniis mundi apostasiam condit; facit e signis τερμῆρα & contra; cuniculis subruit, commeatum arcet, exarmat, prius vulnerat quam ictum animaduertas. (u) Ad summum mendax ex proprio est ὁ Pater mendacii (x). Quibus epithetis tanquam viuis coloribus eundem Dannhauerus eleganter depingit. (y)

(a) *Apoc. XII. 9.*

(b) Citante Frommanno c. l. L. 3. Part. 3. sect. 1. c. 1. § 5. p. 489.

(c) *Apoc. IX. 11.*

(d) *Matth. XIII. 19. coll. Marc. IV. 15. Luc. VIII. 12.*

(e) *Matth. IV. 1. sqq.*

(f) *Matth. XXVI. sq. Marc. XIV. sq. Luc. XXII. sq. Joh. XVIII. sq.*

(g) *Gen. III. 15.*

(h) *Joh. VIII. 44.*

(i) *Heb. II. 14.*

(k) *Joh. XIII. 27.*

(l) *Matth. IV. 24. VIII. 28. IX. 32. XII. 22. XVII. 14. 15. Marc. I. 26. V. 2. IX. 17. Luc. IV. 33. VIII. 36. XI. 26. XIII. 11. Joh. X. 21.*

(m) *Apoc. II. 13.*

(n) *Matth. XII. 43.*

(o) *Luc.*

(o) *Luc. XI. 21.*

(p) *Vid. Schikard. Jus Regium c. 5. theor. 16. p. m. 288, sqq.*

(q) *Apoc. XII. 12.*

(r) *Apoc. II. 24.*

(s) *Eph. V. 11.*

(t) *Luc. IV. 6.*

(u) *Vid. Cyprian. Serm. de Zelo & liuore op. f. m. 221. Edit. Bremens. 1690.*

(x) *Job. VIII. 44.*

(y) *In Hodof. phaen. 4. p. m. 399. sqq.*

PORISMA V.

*Visiones, Apparitiones & immediatae
Reuelationes neutiquam sunt ex-
pectandae, sed potius re-
iiciendae.*

Non sane, quod probe notandum, sermo mihi est de visionibus & apparitionibus V. T. cum DEVS adhuc multifariam & multis modis cum populo suo loqueretur, atque sic etiam ministerio Angelorum vteretur, quo de gratia & voluntate sua immediate eum certiore redderet, prout exempla Abrahami (a) Lothi, (b) Manoae (c) aliorumque id satis superque probant, neque de visionibus sub initium N. T. cum Ecclesia adhuc plantanda esset, quo tempore Iosepho (d) Mariae (e) Zachariae (f) Petro (g) & aliis Angelos apparuisse, eosdemque de voluntate diuina certos reddidisse, legimus; *sed* de iis, quae synagoga veteri iam sepulta, Ecclesiaque plantata euenire solent. At inter has etiam discrimen non leue venit obseruandum. *Aut* enim respiciunt fata quaedam & futuros euentus, v. g. cum DEVS nonnunquam *vel* hominem quendam pium de periculo immi-

E

nente

nente commonefacit, in agone constitutum visione angelica reficit atque consolatur; *vel* integris ciuitatibus & Regionibus bella, famem, pestem, aliaque infortunia praedicat; *aut* dogmata quaedam fidei & morum concernunt. *Istas* tantum abest vt absolute improbemus, ac in vniuersum omnes pro illusionibus Satanicis habeamus, vt potius easdem sacro codici non repugnare credamus. Valet enim hic loci consilium B. Balduini: (b) *si* DEVS ipse *sive* per *suggestiones internas*, *sive* per APPARENTES VISIONES ANGELORVM SANCTORVM nos moneat & a periculis praeseruet, (quod interdum fieri non negamus) gratis animis paternam illam DEI curam pro nobis agnoscamus, & ministerio verbi sui obsequientiores simus. Nam qui DEVM timent, his beatos hosce monitores & custodes diuinitus esse additos, ex sacris literis certum est. De his vero si quaeramus, quid statuendum? merito eas reiiciendas esse, respondemus, sententiam nostram sat firmis rationibus corroborantes.

Nam *primo* firmissimum contra visiones e textu nostro necimus argumentum. Cum enim Satanas in Angelum lucis se transformare soleat, quis, quaeso, certus esse potest, vtrum Angelus apparens bonus vel malus fuerit? Et licet nonnulli ad varia signa, quibus boni spiritus a malis discerni possint, prouocare soleant, esse tamen ea omnia vel tantum negatiua, vel, si affirmatiua, tantum probabilia, satis recte a doctissimo Voëtio obseruatum est: (i) si nimirum Spiritus eiusmodi reuelatio aliqua in parte repugnet scripturae sacrae, aut etiam sibi ipsi, ita vt contradictione expressa aut implicita laboret, aut manifesto falsa, aut absurda, aut turpia & honestati naturali repugnantia in se contineat, tum firmissime, eam non a DEO, sed a diabolo profectam esse, dicere possum. Non vero vice versa, si Scripturis sacris concordet, & in aliis cum Angelo Lucis conueniat Spiritus, certo colligere licet, quod non a diabolo, sed a DEO sit. Nam & Spiritus mali dicunt saepissime bona per imitationem

nem, (*k*) non aliam ob causam, quam vt malis, quae alio tempore inculcant, eo maiorem fidem concilient; quod exempla hominum hoc modo deceptorum passim obuia, (*l*) & inprimis ipsorum Protoplastorum nostrorum (*m*) satis testantur. Placet

verba quaedam *B. Lutheri* (*n*) huc facientia afferre: Der weisse schöne Teuffel/ der die Leute zu geistlichen Sünden treibet/ welche man nicht für Sünde/ sondern für eitel Gerechtigkeit hält/ der ist's/ der den größten Schaden thut/ gar viel mehr denn der schwarze Teuffel / welcher die Leute bloß zu den groben fleischlichen Sünden treibet/ die so grob sind/ daß Sie auch die Welt vor Sünden erkennen kan. Et

iterum: (*o*) Wenn der Satan nicht schwarz noch heßlich/ sondern gang weiß und schön daher geschlichen kommt/ als wäre Er ein Engel/ ja Gott selbst / da kan Er erst den Schalck so meisterlich decken und bergen/ und in der Schalckheit sich selbst also übermeistern/ daß Er sein tödliches pestilenzisches Gifft für eitel Gnaden-Predigten/ für Gottes Wort/ und für das Evangelium Jesu Christi ausgiebt. Es wil der Teuffel furgrum nicht heßlich/ noch schwarz/ sondern gang rein/ sauber und weiß seyn. Und daß Er dafür je möchte gehalten werden/ so wendet Er in allen seinen Worten und Wercken für/ wie es Gottes selbst eigene Wahrheit Wort und Werke seyn. Daher bey uns Deutschen das Sprüchwort kommen ist: in Gottes Nahmen hebt sich alles Unglücke an. Et tandem: (*p*) Der

gleissende Teuffel/ der sich stellet als ein Engel Gottes/ greiffi die Christenheit an nicht mit leiblicher Verfolgung/ sondern mit ihrem eigenen Harnisch und Waffen/ das ist mit der Schrift/ damit Sie sich aller leiblichen Anfechtung wider Ihn erwehret/ dieselbige kan Er so wunderbarlich und meisterlich fürgeben und drehen / daß Er einen

bald irre macht / wenn Er nicht fleißich achtung darauf hat.

Secundo DEVS in rebus fidei ac morum non ad reuelationes, sed ad verbum suum nos remisit, vtque ei vnice attenderemus, nobis serio iniunxit; id quod gemino, & quidem vno ex V. altero e N. T. tabulis desumto testimonio probatum dare studebo. *Primum* peto e Propheta *Esaia*, (q) apud quem DEVS grauiter inquit: *quum autem dixerint ad vos: quæsituri ite ad Pythones & ad diuinatores, qui musitant, & tanquam arreptitii loquuntur: nonne populus ad DEVM suum quæsiturus ibit? num pro viuis ad mortuos? Ad legem & ad testimonium. Si non dixerint iuxta verbum hoc: non erit illis aurora.* Quamuis autem in citatis verbis DEVS Israëlitis maledicere saltim videretur, ne ipsi si velint certi esse de futuris euentibus, abeant ad Pythones & diuinatores, sed ad legem & testimonium, in quibus clare habeant, quid facere, quid omittere debeant, vt benedictos euentus exspectare certo possint; & doceantur, omnia mala ipsis obuentura, si non fecerint, quae ibidem praescribuntur: inde tamen colligere possumus, nobis quoque Christianis, si certi esse velimus, de rebus quae ad fidem & mores pertinent, non ad visiones, apparitiones & immediatas reuelationes, sed ad DEI verbum vnice esse recurrendum. *Alterum* desumimus e *Luca* (r) apud quem Abrahamus diuiti epuloni roganti vt Lazarum demortuum in mundum ad Fratres suos mittat, quo aeternos cruciatus, quos ipse iam sentiat, effugere discant, responsum dabat: *habent Moysen & Prophetas, eosdem audiant!* cumque precibus suis instaret epulo, urgebat Abrahamus: si Moysis & Prophetarum scriptis, quae verbum DEI αὐτόπιστον esse ipsi scire possunt, non credunt, quomodo credent, si spiritus demortui cuiusdam, de quo incerti sunt vtrum a DEO an vero a diabolo veniat, ad eosdem mitteretur?

Tertio

Tertio Visiones eiusmodi non sunt expectandae aut expectandae, cum omnia creditu, factu aut speratu necessaria in scriptura sacra luculenter satis exhibeantur. Constat hoc (1), quia Scriptura sacra expresse a *Dauid* מִמֶּנִּי seu perfecta (s) dicitur. Quod elogium illi minime tribui posset, si non omnia credenda, speranda & facienda suppeditaret. (2) quia Scriptura sacra *Canonis* titulo (t) condecoratur. Jam regulam oportet esse perfectam & adaequatam, alias regulae nomen neutiquam meretur. (3) quia scriptura S. omne consilium DEI de salute nostra proponit (u) (4.) quia *Paulus* (x) disertis verbis testatur, quod *scriptura diuinitus inspirata sit utilis ad doctrinam, ad redargutionem, ad correctionem, ad disciplinam quae est in Iustitia, ut NB. perfectus sit homo DEI ad omne opus bonum perfecte instructus.*

Quarto colligimus: Spiritus apparentes aut aliquid nobis reuelant, quod cum scriptura sacra plane coincidit, ac in ea iam reperitur; aut aliquid referunt specie a scriptura S. diuersum. Si prius, quid opus habemus sole splendente lucem accendere? aut cum ferculis lautissimis abundat mensa, quid opus mantissis? (y) sin vero posterius, merito nobis in mentem vocamus grauissimum illud Apostoli dictum: (z) *si nos aut Angelus e Coelo euangelizet vobis praeter id quod vobis euangelizauimus, anathema esto.*

Quamuis vero ex allatis rationibus luculenter satis constet, visiones, apparitiones ac immediatas reuelationes non esse expectandas, ut de rebus ad fidem ac mores spectantibus erudiamur, non defuerunt tamen a longo tempore, nec adhuc desunt visionistae, (ut de re barbara loquentibus termino barbaro uti liceat) qui earundem patrocinium suscipere non dubitant. Catalogum illorum qui nosse desiderat, eum ad *B. Pfeifferum* (α) & *Voeti-*

um (β) ablegamus. Nos modo rationes, quibus sententiam suam aliqui incrustare volunt, paucis adhuc lustrabimus.

(1.) Prouocant ad Codicis sacri silentium, quod DEVS nullibi scripturarum visiones, apparitiones ac reuelationes immediatas hominibus N. T. tempore viuentibus se denegaturum indicarit. Sed respondeo *primo*: posito non concesso, quod DEVS nullibi in verbo suo talia hominibus sub foedere nouo viuentibus se non concessurum significarit, inde tamen non sequitur: ergo talia homines sibi promittere possunt. Nullibi in scriptura sacra negatur Theocratiae, qualis apud populum Israëliticum obtinuit, tempore N. T. locum non futurum, quis inde colliget: ergo hodie adhuc Theocratia expetenda aut expectanda est. Igitur ab oeconomia V. T. ad oeconomiam N. T. non valet consequentia. *Secundo*, licet non expresse DEVS in pandectis sacris, vt ad talia attendamus, prohibuerit, ex iis tamen locis quae nos ad scripturam sacram tanquam vnicam normam fidei ac morum ablegant, per firmam consequentiam id inferri potest.

(2.) Ne ex solo scripturae silentio robur omne desumisse videantur, in eadem quae suam sententiam discrete confirmant, se inuenisse persuasum habent, & prae ceteris ad *Joëlis* (γ) Prophetiam, qua somnia, visiones &c. promittit Jehouah, prouocare solent. Ast hoc vaticinium tempore N. T. (δ) iam impletum esse, quis est qui nescit?

(3.) Quod etiam necessariae omnino sunt, probare satagunt, partim quod per illas difficiliora scripturae dicta, in Apocalypsi maxime occurrentia, clariora reddantur; partim quod per uersorum peccatorum corda durissima ea ratione emollian-
tur. Sed respondeo, quod ad difficilia scripturae sacrae dicta attinet, ea in duplici esse differentia. *Alia* enim articulum fidei concernunt; quae si vel maxime in vno aut altero scripturae S. loco paulo obscurius proposita videantur: ex alio tamen clariori lu-
cem

cem suam mutuo petere possunt: *alia* vero futura Ecclesiae fata respiciunt, qualia sunt, quae in Apocalypsi Johannea proponuntur; in quorum sensum licet ante euentum non plene penetremus, nihil tamen inde salutis nostrae decedit. Ad malitiosos vero peccatores quod attinet, DEVS non per visiones, sed per verbum suum corda eorum emollire vult: illud enim est tonitru, (ε) ignis atque malleus petras percutiens; (ζ) & si isthoc corda eorum non conteruntur, multo minus visionibus mollia reddentur.

- (a) *Gen. XVII. 14.* (b) *Gen. XIX. 15.* (c) *Jud. XIII. 3.*
 (d) *Matth. I. 20.* (e) *Luc. I. 26.* (f) *Luc. I. 13.*
 (g) *Act. XVI.* (h) *Theol. conscientiar. T. 1. p. 417.*
 (i) *Select. Disp. Tom. II. Disp. 6 p. 1120. sqq.* (k) *Marc. I. Luc. IV.*
 (l) *Vid. M. Ludou. Dunt. in Cas. Consc. qu. 3. p. 106. Balduin. Cas. consc. L. 3. c. 1. cas. 3. p. 416. B. Pfeiff. in Anti-Enthusiasmo p. 105. sqq.*
 (m) *Gen. III.* (n) *Tom. II. Witteb. f. 21. b.* (o) *fol. 26. b.*
 (p) *Ad C. IV. Matth. Tom. IV. Witteb. fol. 502. b.* (q) *c. VIII. 19. sq.*
 (r) *c. XVI. 22. seq.*
 (s) *Pf. XIX. 8. Cuius vocis emphasin eleganter expositam lege apud B. Dannb. Hodosoph. phaen. I. p. 70. sq.*
 (t) *Pf. XIX. 5. cell. Rom. X. 18. Gal. VI. 6. Phil. III. 16.*
 (u) *Act. XX. 21. XXVI. 22.* (x) *2. Tim. III. 16.*
 (y) *Vt cum B. Dannb. in Hodosoph. phaen. 1. p. 71. loquar.*
 (z) *Gal. I. 9.*
 (α) *c. l. p. 106. sqq.* (β) *c. l. p. 1055. sqq.*
 (γ) *C. II. v. 28. Ad quem locum conferri meretur accurata B. D. Alberti Dissertatio pro Licentia A. 1668. habit.*
 (δ) *Act. II.* (ε) *Pf. LXVIII. 34.* (ζ) *Jer. XXIII. 29.*

PORISMA VI.

Hypocritae sunt Satanae Simiae.

DE Satana supra audiuius, quod ad decipiendum mortale genus non cornua sua detecta gerat, sed iis integumentum aliquod superinducere soleat. Hypocritae vero dum idem facere tentant, cur eos non optimo iure Satanae Simias vocaremus, Hy.

Hypocrita in Scriptura Sacra dicitur *הַיָּפּוֹכְרִית* (a) a radice *הָפַךְ* quod *mutare, foedum reddere* significat; sic ut hypocritae sint homines in se immundi, qui tamen immunditiam doctrinae suae atque morum munditiei specie tegunt. Si doctrinam nonnullorum atque externā oris confessionem spectes, cum doctrina Christi atq; confessione orthodoxae Ecclesiae exacte congruere videntur, cum tamen, si paulo curatius in eius interiora inquiras, e diametro illis oppositas deprehenderis. Sic *Hypothetici* cum *Amyraldo & Dallaey* fatentur: Christum pro omnibus esse mortuum, ut omnes per eum saluentur, *si credant*. Si autem quaeras: cur non omnes credant? in antiquum de absoluto quodam DEI decreto errorem relabentes respondent: quia DEVS non omnibus fidem dare vult. Quapropter etiam ipse *Spanhemius* (b) hanc doctrinam vocat *absurdam, frustraneam, illusoriam, contradictoriam, insipidam, phantasticam, euanidam, inutilem, inanem, inconstantem, histrionicam, ludificatoriam*. Si in aliis vitam examinare velis externam, non facile taxandum quid in eadem reperiēs. Cum tamen sub sanctitatis larua non raro horrenda scelera lateant; Quales homines Poëta vetustissimus *Iuuenalis* intelligit dum canit: (c)

Qui curiosi simulant & bacchanalia viuunt.

DEO appropinquāt ore, cor vero illorū procul ab eo est; (d) longas preces praetendūt & sub hoc praetextu viduarum domus deuorant; (e) Eleemosynas iactitant, non ex animo sincero, sed quo tantummodo aliorum oculos in se vertant; (f) mellita verba dant, & sub iisdem alterius interitum quaerunt; (g) nomen habere volunt quod viuunt, cum tamen reuera mortui sint dicendū. (h) Ut alios eorundem *μελαγχολοῦντες* in scriptura passim obuios taceamus; quibus grauis in scriptura denunciatur poena, quod nempe DEVS in locum illos conicere velit, *vbi ululatus & stridor dentium* erit. (i)

(a) *Job. XIII. 26.* (b) *Vid. B. Quenstedt. Syst. c. 3. memb. 3. sect. 2. §. m. 318. b.* (c) *Sat. 2.*

(d) *Jes. XXIX. 13.* (e) *Matth. XXIII. 14.* (f) *Matth. VI. 1. 2. 3.* (g) *Matth. XXII. 16.*

(h) *Apoc. III. 1.* (i) *Matth. XXIV. 51.*

EPILOGVS.

ET haec sunt quae Tibi, Beneuole Lector, circa diem Angelis sacrum de Angelis dare volui. Potuissē equidem plura adhuc porismata, quae e textu fluunt, adductis superaddere v.g. *grauissime errare qui diabolum adorant: peierationes per diabolum esse detestandas: fugienda esse opera tenebrarum ne Angeli Lucis a nobis recedant. &c.* Sed cum temporis chartaeq; angustia excludar, hic subsisto, atque DEO vnico Angelorum Domino pro viribus concessis laudes ago sempiternas.

AD
VIRVM PLVRIMVM REVERENDVM
AC PRAECLARISSIMVM,
DOMINVM
DAVIDEM SCHOLTZIVM,
PASTOREM AC SENIOREM STROPPENSIVM
LONGE MERITISSIMVM,
FAVTOREM ET AMICVM SVVM
HONORATISSIMVM,
D. IOHANNES SCHMIDIVS.



Um Filius tuus lectissimus ex Alma nostra abitum paret, atque ad patrios lares propediē reuerti meditetur, debitis eundem laudibus prosequi, & quam insigni industria, quam commodo ordine, ac quam felici successu studia sua apud nos tractarit, apud te depraedicare deberem. Sed egregia, quae ipse in lucem edidit, specimina me hoc labore subleuant, eidemque optima commendationis loco esse possunt. Siquidem ante duos fere annos eruditum de vestium albarum usu meletema conscripsit, atque illud coram frequenti auditorio cum laude propugnans album apud bonos quosque calculum promeritus fuit. Cui disquisitioni duabus abhinc septimanis aliam, eamque non minus eruditam de Eruditis sine moribus, adiunxit, illamque in superiori Philosophorum Cathedra cum applausu Auditorum defendit. Quibus dissertationibus uti laudabiles, quas in historiarum studio fecit, progressiones, sat abunde demonstrauit: Ita quam praeclaros in sacro studio sibi compararit profectus, luculenter admodum in praesenti disquisitione, proprio Marte elaborata, omnibus probauit. Nihil itaque mihi iam superesse video, quam ut Tibi, Vir plurimum Reuerende, de optima frugis Filio ὁλοφύχως gratuler ac supremum Numen pro tua pariter atque Filii salute indefessis precibus fatigem, Deus vos seruet ac omni bonorum genere perfundat!

TE canam, *Scholtzi*, Tua namque virtus
Per mihi plures bene nota menses,
Et pii mores, vigilesque poscunt
Carmina noctes.

Carmina exacto recinenda plectro:
Moribus seu Tu *minus expolitos*
Increpas *Doctos*; *Stygiue* seu Tu
Daemonis astum

Nuntii Lucis simulantis ora
Pandis, & magni sobolem Parentis
Te facis dignam, geminoque vires
indice prodis.

Lipsia vt nuper Tua dona, Mater,
Filiis Mater viduata nunquam
Senferat: *Si quod Pretium est Labori*
Hoc mihi caput,

Dixit, *intacto redimite Lauro!*
Scilicet dudum, velut arbor, aevo
Creuit occulto Tua fama, *Scholzi,*
Parta Labore,

Nunc vbi dignis remeas onustus
Laudibus, Fines Patriae revisens;
Vt viam, restat, mea Musa tecum
Ingrediatur.

I! vocat quo Te pia cura Patris!
Quo vocat Mater, Patriique Cives!
Cernis, vt iamiam Tibi Stroppa pronis
Obviet ulnis?

Vt Pater, cernis, lacrymis obortis
Sentio, clamet, Reditus Laborum?
Sentio nostram rediisse Prolem
Signa per ista!

PATRIAE PATRIBVS
OPTIMIS MAXIMIS

PRINCIPIBVS AC DO
MINIS SVIS

CLEMENTISSIMIS

HVNC

THEOLOGICVM LABOREM

RELIGIOSISSIMA

HVMILLIMI OBSEQVII

CONTESTATIONE,

OBSEQVIOSISSIMA

DEVOTISSIMAE MENTIS

VENERATIONE,

ARDE

ARDENTISSIMA
FELICISSIMI REGIMINIS

APPRECIATIONE
OFFERT

*CELSISSIMIS EORVM SERENI-
TATIBVS*

AB
HVMILLIMIS

PRECVM ET OBSEQVIORVM
SERVITIIS

M. FRIDERICVS ERNESTVS Scholze.
OLSNA-SIL.

*SERENISSIMIS PRINCIPIBUS
AC DOMINIS*

DOMINO
CHRISTIANO
VLRICO,

ACADEMIAE FRANCOFVRTENSIS

RECTORI,
MAGNIFICENTISSIMO

VT ET

D O M I N O

C A R O L O
FRIDERICO,

DVCIBVS VVÜRTEMBERGA
TECCIAE, ET IN SILESIA OLSNA
COMITIBVS MONTISBELGARDI,
DYNASTIS HEIDENHEIMII,
STERNBERGAE ET MED-
ZIBORAE, ETC.
ETC.ETC.

PAT

Auguror si quid, mea Cura, *Scholtzi*,
Patria, vt tempus bene collocatum
Senferit; *Christipotis hic est agnos*

Pascere, dicet.

Interim Laudis memor usque cresce!

Interim nostri memor usque viue!

Disce: Sudorem Pietate mixtum

Praemia ferre.

*Clare docto Disputationis huius eruditae Auctori,
conterraneo suo, atque inquilino honoratissimo
Venerandi parentis vota rite explenti, ita ap-
plaudere voluit*

L. Johannes Günther / Diac. ad D. Nicol.
& Collegiatus Collegii B. M. V.

CVm, quorum mores didicisse fideliter artes
Haut emolliuit, nuper, AMICE, dares;
Plaudite, dicebam, Doctori, culpa quod ipsum

Non damnat, mores quod fouet egregios:
Nam pietatis amor rerumque scientia praestans
Poma velut nitido condita vase latent.

An vero mentem fas est seruare priorem,

Dum quae laudaras vituperanda doces?

Nonne situ plenum iussisti ponere tegmen?

Nonne probata TIBI candida vestiserat?

Cur Satanam taxas, foedam mutare figuram

Qui studet ac vngues veste micante tegit?

Scilicet insidias nosti; magis iste renatis

Se blanda specie posse nocere putat.

Ergo suas sordes teneat deceptor auerni,

Quem nosse, obscoenis moribus esse, iuuat.

Sic transformati describens daemonis astum

Haut immutatus fers decus, ecce, nouum.

Hoc decore in Patriam reduci vertatur in albam
Vestis, mi SCHOLZI, ceu merebare, precor
Ast sic mutatus veteris vestigia formae
Serues, & mihi sis candidus ille, rogo,

*Candido suo atque singulariter dilecto A-
mico honoris atque affectus contestandi
ergo candida mente scrib.*

M. Gottfridus Boettnerus,
Frid. Lus.

Siccine iam *quartum* Cathedram conscendis, *Amice*,
Cumque Viris doctis misces doctissima verba,
Ut monstres, quam sis facundus, quantaque noris?
Res ita habet. Quis enim studiorum nescit Amator
Hic degens, quod *de veste Antiquarius alba*
Primo; hinc Philologus de sollicitudine vana;
Historicus nuper de Doctis Moribus orbis,
Differeres docte, defendere fortiter omne?
Iam nunc Theiologus proponis Daemonis Astum,
Quo saepe apparet coelestis ut Angelus Aulae:
Propterea gratans precor, ut quoque Laudis honore
Macteris tanto, quantum olim iure merebas!

*Qualiaqualia haec
Praesenti Dissertationi doctissimae, Civitatem
pariter atque Amicitiam, quae cum CLA-
RISSIMO eiusdem AVCTORE mihi inter-
cedit coniunctissima, contestaturus subiun-
gere debui, volui*

Johannes Opitius, Stroppa-Si-
SS. Theol. Cultor.

